

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba komunalne djelatnosti, vode i
zaštitu okoliša

Broj: 04/1-23-5-23/18

Bihać, 08.11.2018. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Bihaća u svojstvu predlagača propisa i drugih akata

O D R E Đ U J E

Izvjestioca Jasmina Stamboliju, pomoćnika gradonačelnika za komunalne djelatnosti, vode i zaštitu okoliša na sjednici Gradskog vijeća i radnim tijelima po prijedlogu tačke dnevnog reda:

- Prijedlog Odluke o izmjenama i dopuni Plana lokacija za korištenje javnih površina na području grada Bihaća

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za komunalne djelatnosti, vode i
zaštitu okoliša

Broj: 04/1-23-5-23/18

Bihać, 08.11.2018. godine

GRADSKO VIJEĆE BIHAĆ

- o v d j e -

PREDMET: Prijedlog Odluke o izmjenama i dopuni Plana lokacija za korištenje javnih površina na području grada Bihaća, dostavlja se

Na osnovu člana 52. tačka a) Statuta Grada Bihaća ("Službeni glasnik Grada Bihaća", broj: 13/15), dostavljam vam na razmatranje Prijedlog Odluke o izmjenama i dopuni Plana lokacija za korištenje javnih površina na području grada Bihaća, radi donošenja.

Pravni osnov za donošenje:

Pravni osnov za donošenje Prijedloga Odluke o izmjenama i dopuni Plana lokacija za korištenje javnih površina na području grada Bihaća sadržan je:

- u članu 21. alineja đ) Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona", br. 8/11), koji propisuje da Općinsko vijeće u okviru svojih nadležnosti, između ostalog, donosi Plan o korištenju javnih površina na području općine.

- u članu 35. tačka c) i n) Statuta Grada Bihaća ("Službeni glasnik Grada Bihaća" broj: 13/15), kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje, te donosi plan korištenja javnih površina.

Razlozi donošenja:

Na sjednici održanoj 17.07.2018. godine, Gradsko vijeće Bihać je donijelo Zaključak broj: GV-02-114 od 17.07.2018. godine, kojim je obavezalo gradonačelnika, kao predlagača Prijedloga Odluke o izmjenama i dopuni Plana lokacija za korištenje javnih površina na području grada Bihaća da preispita predložene lokacije u skladu sa iznijetim primjedbama vijećnika i u roku od 30 dana dostavi na razmatranje novi Prijedlog Odluke o izmjenama i dopuni Plana lokacija za korištenje javnih površina na području grada Bihaća.

-Kada je u pitanju izmjena Plana lokacija koja se odnosi na postavljanje montažnog objekta na Lokalitetu „CENTAR”, u ul. Bedem, istoj se pristupilo iz razloga što je privremeni korisnik, kojem je već rješenjem odobreno korištenje javne površine, podnio zahtjev za izmjenu Plana lokacija, u smislu

da se, radi promjene djelatnosti, drugačije definira položaj već privremeno postavljenog objekta. S tim u vezi, Služba za urbanističko planiranje i građenje je dana 12.03.2018. godine dostavila mišljenje br. 03/1-23-1-763/18, sa uvjetima kojima se privremeno postavljeni objekat „dimenzija 3,60 x 2,40 (m)” rotira za 90° u odnosu na položaj određen važećim Planom lokacija. Kako se predmetnim zahtjevom traži izmjena jednog od definiranih urbanističko-tehničkih uvjeta u važećem Planu lokacija, isti je trebalo izmijeniti, pa se radi navedenog, u predloženom tekstu Odluke dimenzija objekta definira kao: „2,40 x 3,60 (m) prema situaciji terena”.

Vezano za obavezu utvrđenu gore citiranim Zaključkom, a pri tom imajući u vidu i primjedbe vijećnika iznesene na sjednici održanoj 17.07.2018. godine kada je u pitanju ukidanje lokacije za postavljanje kioska u ulici Nurije Pozderca i utvrđivanje nove, zamjenske lokacije u ul. Bosanska, ostajemo kod već ranije datog prijedloga za zamjensku lokaciju iz razloga što se, u smislu odredbi Odluke o privremenom korištenju javnih površina na području grada Bihaća („Sl.glasnik Grada Bihaća”, br. 4/15) radi o postavljanju *privremenog montažnog objekta-tipa kiosk*, da se privremeno korištenje javne površine za postavljanje montažnih objekata-tipa kiosk može odobriti na period do 1 (jedne) godine, sa mogućnošću produženja uz propisane uvjete, te što je kao jedan od razloga za prijevremeni prestanak korištenja javne površine propisano i „ako objektivne potrebe nalažu drugačiji način korištenja javne površine na koju se odnosi rješenje za korištenje”.

Dakle, Služba za komunalne djelatnosti, vode i zaštitu okoliša u proteklom periodu zaprimila je više usmenih zahtjeva stanara zgrade kolektivnog stanovanja u ul. Nurije Pozderca br. 2, kao i pravnih subjekata koji imaju sjedište u istoj ulici, kojima se traži uklanjanje postavljenog montažnog objekta radi nesmetanog prilaza svim vozilima (dostavna vozila, hitna pomoć, vatrogasci, itd.) do ulaza u zgradu kolektivnog stanovanja i poslovne objekte u ovoj ulici. Dana 15.04.2015. godine, Gradskom vijeću Bihać je upućena i Peticija za uklanjanje predmetnog kioska, koju je potpisalo 27 stanara navedene zgrade, kao i vlasnici tri poslovna prostora. Razmatrajući podnešenu peticiju, Komisija za predstavke i pritužbe Gradskog vijeća, pribavila je očitovanje nadležne Službe od 13.05.2015. godine, kao i stav Komisije za sigurnost saobraćaja Grada Bihaća od 09.07.2015. godine, te je dana 26.10.2016. godine Službi za komunalne djelatnosti, vode, zaštitu okoliša i inspeksijske poslove, na dalje postupanje, dostavila mišljenje kojim je jednoglasno odlučila da postavljeni kiosk treba ukloniti sa predmetne lokacije.

Imajući u vidu navedeno, te činjenicu da se radi o užoj jezgri grada, odnosno pješačkoj, gusto naseljenoj zoni u kojoj je već postavljen veliki broj privremenih objekata (kioska, ljetnih bašti, reklamnih panoa, urbanog mobilijara), u postupku predlaganja zamjenske lokacije pribavljeno je mišljenje Službe za urbanističko planiranje i građenje, koja je lokaciju u ulici Bosanska, neposredno uz objekat “DM”, ocijenila mogućom, uz uslov da se postavljanje montažnog objekta-tipa kiosk odobri isključivo sa privremenim rokom i unutar utvrđenih građevinskih linija.

Napominjemo da je u pitanju zamjenska lokacija za privremeno korištenje javnih površina u svrhu postavljanja montažnog objekta tipa kiosk, na kojoj bi, po prvi put u Gradu Bihaću, trebao biti postavljen multimedijalni kiosk modernog dizajna (ugrađen WI FI Hot Spot, multimedijalni displej sa vremenskom prognozom, kursnom listom i sl., analogni četverostrani sat).

Pored gore navedenog, predloženim tekstom Odluke brišu se lokacije za postavljanje montažnog objekta tipa kiosk:

- u ulici 502. Viteške brigade, Lokalitet „F” lokacija br. 3., iz razloga što privremeni korisnik kojem je bila odobrena ova lokacija duži vremenski period nije javnu površinu koristio na način i u svrhu kako je to određeno Odlukom, što nema iskazanog interesa drugih pravnih lica za postavljanje kioska na

navedenom lokalitetu, te radi promjene namjene parcele na kojoj je do sada bilo odobravano postavljanje privremenog montažnog objekta tipa kiosk,

- u ulici Mehmedalije Maka Dizdara, Lokalitet „E” lokacija br. 9, radi planiranih radova u okviru izgradnje/postavljanja spomen obilježja oslobodiocima Grada Bihaća, a shodno obavijesti Službe za urbanističko planiranje i građenje i

- u ulici Plješevića, Lokalitet „Kamenica”, lokacija br. 1, iz razloga što je u sudskom postupku utvrđeno da je predmetni lokalitet (na kojem je do 2016. godine bilo odobravano postavljanje privremenog montažnog objekta-tipa kiosk, nadstrešnice i česme), odnosno k.č.br. 2157/12 k.o. Kralje u posjedu i vlasništvu fizičkih lica, a što je vidljivo iz z. k. uložka broj: 1293 od 12.10.2016. godine i posjedovnog lista broj 2015 od 18.08.2017. godine, radi čega se predmetna lokacija ne može smatrati javnom površinom i davati na korištenje privremenim korisnicima kao javna površina.

Finansijska sredstva:

Za realizaciju ove Odluka nisu potrebna finansijska sredstva.

Radi gore navedenog, predlažem Gradskom vijeću, da nakon razmatranja, usvoji Odluku o izmjenama i dopuni Plana lokacija za korištenje javnih površina na području grada Bihaća, kao u predloženom tekstu.

Obrađivač:
Elvira Hadžić, dipl.pravnik

Gradonačelnik
Šuhret Fazlić

Prilog:

-Prijedlog Odluke o izmjenama i dopuni Plana lokacija za korištenje javnih površina na području grada Bihaća

-Grafički dio Plana lokacija za korištenje javnih površina na području grada Bihaća
(“Službeni glasnik Grada Bihaća”, br: 4/15-izvod, 6/15, 14/15 i 6/16)

-Akt Službe za za urbanističko planiranje i građenje, br. 03/1-23-1-356/16 od 22.02.2018. godine, br: 03/2-23-1-sl/18 od 23.04.2018. godine i br: 03/1-23-1-763/18 od 12.03.2018. godine

-Situacija terena x 2

-Peticija za uklanjanje predmetnog kioska od 15.04.2015. godine,

-Očitovanje Službe od 13.05.2015. godine,

-Stav Komisije za sigurnost saobraćaja Grada Bihaća od 09.07.2015. godine,

-Mišljenje Komisije za predstavke i pritužbe Gradskog vijeća od 26.10.2016. godine

-Z. k. uložak broj: 1293 od 12.10.2016. godine, Posjedovni list broj 2015 od 18.08.2017. godine,

Na osnovu člana 21. stav (1) alineja đ) Zakona o lokalnoj samoupravi Unsko-sanskog kantona („Službeni glasnik USK“, broj: 8/11) i člana 35. tačka c) i n) Statuta Grada Bihaća („Službeni glasnik Grada Bihaća“ broj: 13/15), Gradsko vijeće Bihać na _____sjednici održanoj dana _____2018. godine, d o n o s i

Odluku o izmjenama i dopuni Plana lokacija za korištenje javnih površina
na području grada Bihaća

Član 1.

U Grafičkom dijelu, kao sastavnom dijelu Plana lokacija za korištenje javnih površina na području grada Bihaća („Službeni glasnik Grada Bihaća“, br. 4/15, 6/15, 14/15 i 6/16), mijenja se, briše i dopunjuje lokacija za:

1) POSTAVLJANJE MONTAŽNOG OBJEKTA TIPRA KIOSK

a) Lokalitet „CENTAR“

Ul. Bedem

Lokacija br. 0

Privremeni objekat

dimenzija 3,60 x 2,40 *mijenja se i glasi:*

„dimenzija 2,40 x 3,60 (m) prema situaciji terena“

b) Lokalitet „E“

Ul. Mehmedalije Maka Dizdara

Lokacija br. 9

Privremeni objekat dimenzija 3,60 x 2,40 (m) *se briše.*

c) Lokalitet „CENTAR“

Ul. Nurije Pozderca

Lokacija broj 18

Privremeni objekat dimenzija 3,00 x 2,40 (m) *se briše.*

d) *Dopunjuje se:*

Lokalitet „CENTAR“ ,

Ul. Bosanska

Lokacija br. 18

Privremeni objekat dimenzija 3,00 x 2,40 (m)

e) Lokalitet „F“

Ul. 502. Viteške brigade

Lokacija br. 3

Privremeni objekat dimenzija 3,20 x 4,75 (m) *se briše.*

f) Lokalitet „KAMENICA“

Ul. Plješevička

Lokacija broj 1

Privremeni objekat dimenzija 6,00 x 2,40 (m) *se briše*.

Član 2.

Odluka o izmjenama i dopuni Plana lokacija za korištenje javnih površina na području grada Bihaća stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće Bihać

Broj: GV

Bihać, _____ .2018.godine

Predsjedavajući Gradskog vijeća

Davor Župa